

《中國地方藝文薈萃》編輯委員會 編

學苑出版社

中國地方藝文薈萃

第一卷 浙江

華東卷·第七輯

貳

中國地方藝文薈萃

《中國地方藝文薈萃》編委會 編

貴州师范学院内部使用

甬上耆舊詩三十卷（二）

贵州师范学院内部使用

甬上耆舊詩三十卷（二）

（清）胡文學（清）李鄴嗣輯

據清康熙十五年（一六七六）胡氏敬義堂刻本影印

前上者舊詩卷五

後學胡文學輯選

李鄴嗣叙傳

兵部郎中洪公常 二首

都給事中盧公瑀 二首

兵部員外郎嚴公端 一首

太僕寺丞金先生湜 二十二首

刑部員外郎宗公佑 一首

陰陽正術周先生祐 四首

高士章先生珍 十首

宋先生恢 四首

張先生憬 四首

倪先生光 二十二首

李標軒先生端 三首

諸先生凡十一家為甬上耆舊第一集鄞嗣堂追集

其詩合為一卷序于首

序曰甬上古耆舊之國也方秦末博士大里黃先生

邈然避世時天下有四皓先生其一也至盛唐開元

間賓客賀季真先生為詞家舉首歸賜一曲四明逸

老名重本朝及宋慶曆朝鄞江桃源二王先生淳熙

朝禮部侍郎袁正獻公與同郡諸賢後先並著稱為

四明九先生而後吾鄉風節文章理學遂並著于大

下自洪建以來鄭李諸先生始作斯文復歸雅馴循
至成弘之際海內久治平氣淳俗厚人風益高于時
名薦紳若兵部洪公常給事盧公瑀太僕金公湜六
七人俱解組歸田因得從高士宋弘之恢張景心憬
先襟軒諱端諸先生相結爲高年詩會每值風日佳
時款剪藁供款驩共爲集遊游散帶里人望之若仙
嘗追迺諸公生平洪兵部與于忠肅公爲左右手有
安社稷勲晚登虎習益倡雅里中盧公名諫臣直聲
廉操重于一時兵部嚴公端至行軼倫復以古文明
家刑部宗公佑循吏之後于集中齒最少正術周先
生祐高士章先生珍並調家名宿宋先生集先輩遺

詩有功文獻張先生以詩法傳其從孫琦爲吾鄉詞
人之冠倪先生光善言易名北京焦金太僕與先標
軒先生風格更上詞賦之妙傳于朝鮮日本爲中朝
增重諸公詩各擅風人之致要皆解外膠畧世事身
當太平之日從容吟唱以鏗鏘盛朝四方望甬上擬
于唐履道里焉此俱本東沙張公所述再詳于郡乘
而董山李先生更別載宋章諸高士俱哀然人師不
媿真隱凡屬會中唱酬徧傳于遠近合二公所記十
有八人俱歷然可考余因得于暇日輯諸公詩惟金
太僕倪高士俱有遺集可錄其餘諸家散見于他選
雖章片律亦必隨鈔復慎擇其可傳者入卷數

且彙爲一卷特相詮次意使太丘朗陵重聚于一堂
漢陰主客歡情更接然後諸先生音歛相聞無復契
關卽開卷讀之亦若身爲其門人弟子恂恂然相從
于杖履之後也獨是董山先生去諸公纔二十餘年
節奏可尋流風放恣而卽謂社詩漸逸無從彙錄望
得如謝方石先生爲赤城詩選以著一鄉之爲此懷
闕然余乃更從二百年後圖相採綴于當時會中詩
豈可復得唯錄其平生遺草先賢畧存庶學者得自
今日仰溯西漢而下世有老成足發恭敬亦稍補董
山先生闕然之懷云爾及余選先輩遺集上下千百
年因盡名目甬上耆舊詩益使後人識此邦二千年

人文熾盛惟藉大里黃公後數人至此集諸先生身後餘音幸附金石得列爲明文獻之邪也集成錄詩凡十一人俱有傳餘七人詩失傳亦附姓名于後

通判鄒開

高士王政 頗放號奇猷子

余賓 字敬之

袁德麟 奉化人

理問周頌 善墨菊春草

周禮

陳渭 字景陽

○兵部郎中洪公常

公字子經號石田性高邁強記博通家貧常從人借書一覽輒盡中進士親政兵部時于忠肅公爲侍郎一見奇之卽薦公有經濟才特授本部主事會上木之變忠肅進尚書一時軍事焚錯盡以相屬忠肅每入朝公輒具筆札以從事至且語且疏卽不具草立上忠肅既幹畧絕人復仗公爲左右手遂得指揮定難可遂至郅中上皇復辟支持公爲忠肅黨上知其名特京之陳汝言代忠肅復以事誣公欲致之死上竟置不問後馬恭襄公昂爲尚書值西隔多事馬公嘗面陳部曹乏人上顧問洪常安在以憂去對卽命起復公至部久之馬公疏薦公爲本部侍郎忌者知

其事先劾馬公私所屬公遂力請疾歸里進階朝列
大夫○公○時○年○甫○四○十○自○念○與○忠○肅○同○事○特○蒙○上○知○得
不○成○再○脫○虎○韶○俱○上○所○賜○餘○年○因○日○與○里○中○耆○舊○相
聚○雅○歌○鼓○缶○以○頌○太○平○歸○田○歷○三○十○餘○年○非○歲○時○鄉
飲○不○至○公○所○蕭○然○一○室○以○文○章○自○命○晚○年○得○所○未○見
書○必○手○鈔○始○讀○所○著○有○勉○學○錄○石○田○豪○隨○筆○考○文○業
考○及○選○定○韓○柳○歐○蘓○王○曾○六○先○生○集○公○生○平○履○操○廉
白○尚○義○在○兵○部○時○出○入○常○無○馬○武○平○伯○陳○公○重○其○名
奉○八○十○金○為○市○馬○至○再○却○不○受○同○里○李○主○事○山○如○清
操○絕○俗○歿○後○公○身○為○經○其○喪○諸○高○義○率○此○類

端居鬱無聊引領懷三益相違念一朝况茲歲屢易雲樹
渺關河之情安所適歡娛日以踈憂愁日以積緘題寄便
鴻相期崇令德

宿美古韶方丈

何處堪尋物外交羅雲丈室絕紛淆老僧掃榻應相候童
子開門不待鼓花外雨程龍出鉢松間雲發鶯歸巢滿懷
清思渾無寐臥看流螢度竹梢

○都給事中盧公瑀

公字希玉號益齋以進士授刑科給事中卽劾巨璫
梁芳等竊柄引用奸僧繼曉以邪術罔上直聲大振
嘗疏罷淮陽貢賦十餘萬緡陳西北市馬積弊人俱

德之有温州衛指揮戴勳以遺孤爲庶長所孽庶長
賅結當路多爲其地公知狀言于尚書馬公文升事
竟得直勳後知公言奉二百金贖公母之喪公力拒
不受服闋遷工科都給事中論天變忤旨廷杖置于
獄謫判長沙稍遷同知真定府爲治善撫良詰暴吏
民愛畏之尚書王端毅公怒見所上治行旌異之遷
知廣平府廣平故牧馬地豪家數侵厝委其微于貧
戶公至剗洗宿蠹盡反所侵地民困大起乃命起學
舍養士授以經義三輔間翁然嚮學有張參將者以
高貲甲郡中爲雙京家所誣繫獄前守意避嫌置不理
公按牘出之比公引年歸參將使其母密懷千金爲

詩致榻上公堅謝不受其廉白始終不渝若此公爲
人不輕言笑口未嘗論人過少美風儀有隣婦製一
統袴遺之公斥去默然終身不至其門有知者重之

閨情

錦帳微流蕙寒燈對影孤其如天上月千里昭征夫

題竹

幽人愛竹看不足更剪生綃寫雙玉
清澗何如渭水姿扶疎畧似淇園綠
初番露葉朝懸移乍拂雲枝春漠漠
竹根奇石一拳小共抱堅貞永相保

○兵部員外郎嚴公端

公字克正號謙齋以進士稍遷南京兵部車駕員外